



Broj/Broj: 01/a -50 – 1 – 15 - 60/09
Sarajevo/Sarajevo, 16. septembra 2009.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: **O b a v j e š t e n j e**

Predstavnički dom Parlamentarne skupštine BiH je, 16. septembra 2009., održao 60. sjednicu. Na sjednici su, uz ostalo, razmatrani materijali koji su u nadležnosti i Doma naroda, o čemu vas obavještavamo kako slijedi:

1. Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima za period od 15.7.2009. do 7.9.2009. (materijal Vijeća ministara BiH);
2. Izvještaj komisije Kolegija o nastojanju za postizanje saglasnosti o Prijedlogu zakona o programu zaštite svjedoka (zakon u drugom čitanju);
3. Prijedlog zakona o izmjenama i dopunama Krivičnog zakona Bosne i Hercegovine (prvo čitanje);
4. Prijedlog zakona o popisu stanovništva, domaćinstava i stanova u BiH 2011., s Mišljenjem Zajedničke komisije za ekonomske reforme i razvoj;
5. Prijedlog zakona o izmjenama i dopunama Zakona o upravnom postupku (prvo čitanje);
6. Prijedlog zakona o izmjenama i dopunama Zakona o ministarstvima i drugim organima uprave BiH, s Mišljenjem Ustavnopravne komisije;
7. Izvještaj komisije Kolegija o nastojanju za postizanje saglasnosti o Prijedlogu zakona o izmjenama Zakona o Sudu BiH (zakon u prvom čitanju);
8. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o Tužilaštvu BiH (zakon u prvom čitanju);
9. Izvještaj Zajedničke komisije oba doma Parlamentarne skupštine BiH o postizanju saglasnosti o identičnom tekstu Zakona o izmjenama i dopunama Zakona o konkurenciji;
10. Izvještaj o obavljenoj reviziji finansijskih izvještaja Radiotelevizije BiH na dan 31.12.2008.;
11. Imenovanje ombudsmena u Instituciju ombudsmena za ljudska prava Bosne i Hercegovine (Lista kandidata Ad hoc zajedničke komisije za imenovanje ombudsmena);
12. Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini;
13. Izjašnjavanje o materijalima iz tač. 2. i 3. dnevnog reda nastavka 13. zajedničke sjednice oba doma Parlamentarne skupštine BiH, održane 24.7.2009., s Mišljenjem Zajedničke komisije za evropske integracije i prijedlogom zaključaka;
14. Davanje saglasnosti za ratifikaciju;

- a) Sporazuma o privilegijama i imunitetima Međunarodne agencije za atomsku energiju,
- b) Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja,
- c) Protokola o sprečavanju zagađenja voda prouzrokovanog plovidbom, uz Okvirni sporazum za sliv rijeke Save,
- d) Protokola o izmjeni i dopuni Ugovora o slobodnoj trgovini između Bosne i Hercegovine i Republike Turske.

Ad.1.

Predstavnički dom usvojio je Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima za period od 15.7.2009. do 7.9.2009., s Mišljenjem Zajedničke komisije za evropske integracije, uz korekciju prethodnog stava, koji sada glasi:

Komisija sugerira da svi zakoni koji su evidentirani kao dio obaveza iz Mape puta za liberalizaciju viznog režima za građane BiH u Parlamentarnoj skupštini BiH budu predloženi po skraćenoj proceduri.

U toku rasprave su usvojeni i zaključci:

- 1. Zadužuje se Vijeće ministara BiH da u narednih 15 dana bude u stalnom zasjedanju dok se ne ispune preostali uslovi iz Mape puta za liberalizaciju viznog režima.**
- 2. Zadužuje se Predstavnički dom Parlamentarne skupštine BiH da prati rad Vijeća ministara BiH svojim stalnim zasjedanjima kako bi se moglo, u roku od 24 sata, reagirati na zahtjeve Vijeća ministara BiH.**

Ad.2.

Prijedlog zakona o programu zaštite svjedoka u drugom čitanju nije dobio entitetsku većinu. Nakon usaglašavanja u Kolegiju kao komisiji, u drugom krugu glasanja "protiv" Prijedloga zakona izjasnilo se dvije trećine poslanika iz entiteta, čime je Prijedlog zakona odbijen.

Ad.3.

Prijedlog zakona o izmjenama i dopunama Krivičnog zakona Bosne i Hercegovine usvojen je u prvom čitanju.

Ad.4.

Predstavnički dom nije usvojio Mišljenje Zajedničke komisije za ekonomske reforme i razvoj o Prijedlogu zakona o popisu stanovništva, domaćinstava i stanova u BiH 2011. godine, pa slijedi ponovno razmatranje principa predloženog zakona i dostavljanje novog mišljenja.

Ad.5.

Predstavnički dom usvojio je Prijedlog zakona o izmjenama i dopunama Zakona o upravnom postupku u prvom čitanju.

Ad.6.

Predstavnički dom nije usvojio Mišljenje Ustavnopravne komisije o Prijedlogu zakona o izmjenama i dopunama Zakona o ministarstvima i drugim organima uprave BiH, pa slijedi ponovno razmatranje principa predloženog zakona i dostavljanje novog mišljenja.

Ad.7.

Predstavnički dom usvojio je Prijedlog zakona o izmjenama Zakona o Sudu BiH u prvom čitanju.

Ad.8.

Prijedlog zakona o izmjenama i dopunama Zakona o Tužilaštvu BiH usvojen je u prvom čitanju.

Ad.9.

Predstavnički dom usvojio je Izvještaj Zajedničke komisije oba doma Parlamentarne skupštine BiH o postizanju saglasnosti o identičnom tekstu Zakona o izmjenama i dopunama Zakona o konkurenciji.

Ad.10.

Predstavnički dom usvojio je Izvještaj o obavljenoj reviziji finansijskih izvještaja Radiotelevizije BiH na dan 31.12.2008., sa zaključkom koji je predložila nadležna Komisija za finansije i budžet koji glasi:

Predstavnički dom zahtijeva od Upravnog odbora BHRT-a da mu, u što kraćem vremenskom roku, dostavi Plan sanacije i konsolidacije finansijskog poslovanja BHRT-a, sačinjen na stvarnom finansijskom stanju i realno procijenjenoj imovini BHRT-a, koji utvrdi konsultantska firma izabrana u skladu sa zakonom.

Ad.11.

Predstavnički dom imenovao je gđu Nives Jukić za ombudsmena za ljudska prava u Instituciji ombudsmena za ljudska prava Bosne i Hercegovine.

Ad.12.

Predstavnički dom odgodio je izjašnjavanje o Informaciji o usvojenim mjerama za ublažavanje negativnih efekata globalne ekonomske krize u Bosni i Hercegovini, te će ona biti uvrštena u dnevni red naredne sjednice Doma kako bi se mogla voditi sveobuhvatnija

rasprava i donijeti konkretni zaključci i mjere na osnovu materijala koje je dostavilo Vijeće ministara BiH.

Ad.13.

Predstavnički dom je primio k znanju materijale iz tač. 2. i 3. dnevnog reda nastavka 13. zajedničke sjednice oba doma Parlamentarne skupštine BiH, održane 24.7.2009., s Mišljenjem Zajedničke komisije za evropske integracije.

Dom je usvojio i prijedlog zaključaka poslanika Jerka Ivankovića Lijanovića uz primjedbe Zajedničke komisije za evropske integracije, tako da zaključci sada glase:

- a) Zadužuje se Vijeće ministara BiH da sačini plan aktivnosti s tačnim rokovima za osiguranje izvoza svih proizvoda životinjskog porijekla u EU i dostavi ga PSBiH na usvajanje u roku od 30 dana.**
- b) Zadužuje se Vijeće ministara BiH da sačini plan aktivnosti u oblasti zaštite i stimulacije domaće proizvodnje i dostavi ga PSBiH na usvajanje u roku od 60 dana.**
- c) Zadužuje se Vijeće ministara BiH da u skladu sa Sporazumom CEFTA i zakonodavstvom u BiH hitno donese zaštitne mjere za poljoprivredu BiH.**

Ad.14.

Predstavnički dom dao je saglasnost za ratifikaciju:

- e) Sporazuma o privilegijama i imunitetima Međunarodne agencije za atomsku energiju,
- f) Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja,
- g) Protokola o sprečavanju zagađenja voda prouzrokovanog plovidbom, uz Okvirni sporazum za sliv rijeke Save,
- h) Protokola o izmjeni i dopuni Ugovora o slobodnoj trgovini između Bosne i Hercegovine i Republike Turske.

PREDSJEDAVAJUĆI
PREDSTAVNIČKOG DOMA
dr. Milorad Živković, s.r